

證治要訣

卷

六五四三二

卷二 諸傷門 一上

傷風寒

傷暑 廿上

傷濕 卅上

傷酒 卅五上

傷食 卅五下

卷三 諸氣門 卷三

七氣 一上

痞塞 一上

積聚 二下

腫 四下

鹽脹 七上

脚氣 七下 附下血

陰類氣 九下 附玉莖痛

手氣 十上

小腸氣 十上

卷四 諸血門 卷四

鼻衄 一上

舌衄 二下

肌衄 三上

牙宣 三上

吐血 三上

咯血 四下

嗽血 五上 附肺癰

便血 六上 見痔

破傷 六上 見瘡

傷血 六上 見瘡

瘡毒 六上 見瘡

血 六上 見瘡

大便血 六上 見瘡

卷五 諸痛門 卷五

頭痛 一上 附眼痛

眼痛 二上 附眼痛

牙痛 三上

咽喉痛 四上 附瘰癧

膈痛 五上 附心瘕

臂痛 五下 附心瘕

飲流 六上 附心瘕

肩臂痛 六上 附心瘕

心痺痛 六上 附心瘕

脇痛 六上 附心瘕

腰痛 六上 附心瘕

腹痛 六上 附心瘕

卷六 諸嗽門 卷六

嗽證 一上 附惡心

哮喘 四下 附惡心

嘔吐 五下 附惡心

吐血 見血門

停食伏痰 九上

翻胃 九下

不喜食 十上

噎氣 十上

吞酸 十下

咳逆 十下

症治要訣 卷之五六

祕傳證治要訣卷之二

大醫院使戴元禮述

諸傷門

傷風寒

附感冒 凡看病不令染用雄黃末塗鼻孔及須知避忌行從客位邊入男子病穢氣出於口女子病穢氣出於陰坐立對語間宜識得向背

傷風傷寒俗呼爲傷寒傳經分三陽三陰三陽是太陽陽明少陽經也三陰太陰少陰厥陰經也經之陰陽以臟腑言腑爲陽膀胱胃膽是也臟爲陰脾腎肝是也病之陰陽乃是外邪之陰陽陰氣陽氣是也陰陽二氣皆能犯臟腑故陽氣犯太陽則爲傷風惡風

而有汗陰氣犯太陽則爲傷寒惡寒而無汗在太陽  
未得解轉入陽明少陽二經則純乎陽不如太陽易  
其治若陽氣未能罷以次傳入陰經則爲陰中之陽  
蓋緣陽經之陽氣來入陰經雖有自利欲寢唇青手  
足厥冷舌卷囊縮等證不可妄投熱藥宜瀉其陽之  
在陰經也

若陽病下之太過陽氣已脫遂變爲陰所謂害熱未  
已寒病復起或初得病便是陰證此是陰中之陰蓋  
緣陰氣攻陰經陰自得傳非自傳諸陽經來只當以  
溫藥回其陽故陽入陰者變陽以救陰陰入陽者用



陽以救陽。二者不可不辨。

傷風傷寒。初得病時。俱見發熱。頭疼體痛。屬太陽經。但傷風惡風有汗。傷寒惡寒無汗。並宜和解散。芍止香蘇散。或養胃湯。加草芍各半錢。熱服溫覆。若的是傷風。有前自汗惡風等證。可用桂枝湯。令其熱服溫覆。喘加杏仁一錢。咳加五味子一錢。渴加參半錢。外熱未止者。敗毒散。熱而有汗者。敗毒散加桂枝半錢。或陽旦湯。嘔者不宜用桂枝湯。合於本方。加半夏一錢。添姜煎。此非合病之嘔。係傷寒襍病。即非正傷寒。故可用也。風寒二證。理當發汗。而其人虛不可汗者。

宜桂枝湯加黃耆半錢。若的是傷寒有前惡寒無汗等證，可用五積散。熱服，厚被覆之，取汗。喘嗽者，杏子湯加麻黃半錢，欲汗而不得汗者，再進。已汗而身熱不退者，參蘇飲或敗毒散。加桂枝半錢。嘔者，養胃湯。此非治合病之嘔。若風寒俱傷，或惡風而無汗，或惡寒而無汗，疑似之間，只宜五積散半貼，和敗毒散半貼。名交加散。喘嗽者，小青龍湯。有初得病太陽証，其但寒而未即爲熱，至一二日後方熱，此傷於寒。若傷風，即有熱矣。但寒未有熱者，五積散發汗。有已服解表藥，不惡風不惡寒，諸表証已罷，於裏又水躁未渴。

小便亦未赤。大便如常。獨身熱未除者。宜香蘇飲。敗  
毒散。小柴胡湯。加桂枝半錢。有已服解表藥。証已罷。  
又無裏証。其人體痛不減者。恐是發汗多。榮衛不和  
所致。宜小建中湯。用半厚半薄之桂。

若風寒二證傳經後。身熱煩渴。小便赤。大便不通。言  
語不得睡。不寧。鼻乾。頭目疼。日晡增劇。不惡寒。反惡  
熱。舌上白胎。中有斷文。或黑胎。方爲極熱。甚則昏不  
知人。此屬陽明經。宜大柴胡湯。小承氣湯下之。若具  
諸証。而大便自調者。宜白虎湯。少加小柴胡湯。

若胸脇俱痛。頭疼耳聾。口苦。或渴。或嘔。大小便或利。



或不利。往來寒熱如瘧。此屬少陽証。宜小柴胡湯。嗽  
加北五味子半錢。渴甚加括樓根半錢。不渴而外有  
熱者。加桂枝半錢。自汗而尚惡風者。以小柴胡湯半  
貼。加桂枝湯半貼。

如婦人病中經。水適來。或經水失斷。此爲熱入血室。  
其血必結。故使寒熱往來如瘧。晝則明了。夜則譫語。  
宜小柴胡湯。或加生地黃半錢。

若胸膈不快。手足自溫。或自利而渴。或腹滿時痛。此  
屬太陰經。或自利不渴。宜理中湯。重則加附子四逆  
湯。此陰中之陰也。腹滿而痛。當得通壅。宜桂枝湯加



芍藥。即是小建中湯。但易厚桂爲桂枝耳。不愈。小柴胡湯。去黃芩。加芍藥一錢。或枳芍各半錢。腹痛甚大。便不利者。桂枝湯加大黃一錢。臨熟入。或大柴胡湯。以諸實各痛當下。此陰中之陽也。

若元元欲吐。心煩喜寐。或自利口燥而渴。或口中和。而背惡寒。此屬少陰經。但少陰用藥有陰陽之分。自利而渴者。宜猪苓湯。蓋陽熱傳入腎。少陰經。腎係舌本。故自利口燥而渴。以猪苓湯利腎中之熱。不愈。則當自大便去之。古法合用大承氣湯。若難用大承氣湯。則用小承氣湯。或且進白頭翁湯。上項諸藥。爲陰

中涵陽者也

泄利下重其人四逆先以水盞半葱白二根煎一盞  
去葱煎四逆散至七分咳加北五朮子乾薑各半錢  
悸加桂枝一錢小便不利加茯苓一錢腹痛加熟附  
半錢

若審是下利清穀手足四逆其人面帶赤或腹痛或  
乾嘔或咽痛四逆湯倍乾薑面赤者加葱一根腹痛  
加芍藥一錢半嘔加生薑咽病加桔梗一錢

若口中和而背惡寒宜正方四逆湯不必加減四逆  
散四逆湯俱治少陰下利四肢逆冷泄利下重者與

下利清穀者。一涼一溫。又自有陰有陽之別。四逆散是治四

逆陽症。四逆湯是治四逆陰症。

若初得病。便見少陰証。其人發熱惡寒。身疼頭不痛者。宜麻黃細辛附子湯微汗之。或五積散加熟附半錢。或五積散加以順元散。若煩悶厥逆。或舌捲囊縮。或下利清穀。裏寒外熱。此屬厥陰經。下利清穀者。陰中之陰。宜進通脈四逆湯。或當歸四逆湯。加生薑茺莢。更舌捲囊縮。不特陰中之陰有之。陽明之熱陷入厥陰亦有之。蓋陽明主宗筋。宗筋爲熱毒風所致。故弗榮而急。引舌與卵。風以舌捲囊縮。當瀉陽以救陰。宜



大承氣湯。陽傳太陰而利。故用小建中湯。及小柴胡湯。去黃芩加芍藥。此一藥治太陰洩利。腸鳴而痛。已利而痛爲虛。虛則腸鳴。蓋爲傳陰之陽氣漸微。不敢過用冷劑。但以芍藥通壅耳。

南陽謂傷寒手足必微冷。若手足自溫者。係太陰也。說欠分曉。若陽明手足安得微冷。少陽厥陰而大冷。安得言微冷。但當言三陰經。少陰厥陰。手足厥冷。惟以太陰手足自溫耳。

凡渴問其所飲。欲冷欲熱。欲多欲少。若飲多而欲冷者。陽渴也。更須審其有何證在經也。其太陽證。小便



不利而渴者。五苓散。其陽明證。大便秘。不利而渴者。宜  
於前本經求之。已利猶渴。宜白虎湯。其少陽證。寒熱  
往來而渴者。小柴胡湯。去半夏加括萎根。如其數陰  
亦有自利而渴。各已見本經。但陰有渴。古人多有冷  
劑。以其皆挾陽氣耳。經雖陰而病則陽也。然亦有下  
利清穀。不係熱利。純是陰證。而反見渴者。此是陰在  
下。隔陽於上。兼因洩瀉津液。既去枯燥而渴。其人雖  
引飲。所飲自少。而常喜溫。不可投冷劑。宜理中湯。或  
四逆湯。加人參一錢。渴甚連理湯。

有陽證不渴。陰証反渴者。陽明不甚渴。太陰乃大渴。

不可不知。治渴一也。有堅腎水而渴止者。有利小便而渴愈者。堅腎水則用天花粉之屬。利小便則用茯苓猪苓之類。蓋太陰以利小便爲先。陽明以利小便爲戒。少陽以膽經半表半裏。未可下之。其人或大渴不止。當以小柴胡湯。加天花粉之屬。堅其腎水。腎水既堅。自還滲入大腸。大便微通。熱去而渴解。若病在太陽。太陽在膀胱。腎經非利小便則熱無從去。渴何由愈。外有非陽證。煩躁發渴。此乃陰盛隔陽。不當順其渴。惟當治其陰。

煩躁。陰陽經皆有之。陽明經胃有熱。屎故煩。此當下。

之。太陽經已得汗而煩者。五苓散。少陽亦或有煩。宜  
小柴胡湯。陰煩。少陰爲多。由陽氣傳入陰經。陰得陽  
而煩。自利而渴。煩不眠者。辰砂五苓散。若非是陽氣  
傳陰。陰氣犯陰經。吐利。手足厥冷而煩。經云。陽虛陰  
乘之故煩。又云。陰盛發躁。欲坐井中。吳茱萸湯。甚者  
四逆湯。加葱白二把。

外有虛煩一證。乃是病愈後。陰陽未復。時發煩熱。竹  
葉石膏湯。痰多睡不寧者。溫膽湯。嘔者。橘皮湯。詳見  
寒熱門。潮熱虛煩証。若誤用藥下之。身熱不去。微煩  
者。梔子乾姜湯。



自利須辨陰陽。三陽自利各已本經見之。太經與陽明合病下利。頭痛腰疼。肌熱目疼鼻乾。宜葛根湯。陽明與少陽合病下利。身熱胸脇痞滿而嘔。或往來寒熱。目疼鼻乾。宜大柴胡湯。大抵陽熱之利與陰熱之利。與陰寒之利自不同。陽利糞色必焦黃。熱臭出作聲。臍下必熱。得涼藥則止。得熱藥愈增。陰利必洞下清穀。糞色或白或淡黃。臍下多寒。宜溫中止瀉之劑。此之謂陰利陽利。指陰陽二氣而言。非曰陰陽二經也。緣陰中亦自有陽利。不可因下利便以爲陰也。外有太陽證。醫反下之。遂下利清穀。身體又自疼痛。

者急用四逆湯救其裏後得大便已調身上疼痛却

用桂枝湯解其表

先救裏後解表恐洞下陽脫變生不測

又有內不太滿猶生寒熱未可下而便下之內虛熱入挾熱自利臍下必熱大便赤黃色及下腸間津汁垢膩名曰利腸宜白頭翁湯黃芩湯

要知均自爲利身不熱手足自溫者大陰身體四逆

者少陰厥陰其餘身熱下利皆屬陽經然陰利有反

發熱或初病無熱利後却熱或勿得病即身熱繼而

自利此陰利非陽傳陰經之利詳見後段發熱証

又有大便秘五六日以藥利之利遂不止用極熱劑